



Cheldechederal A Chad El Mlo Mesekiu

Tial cheldechederal a cheldechederal a tal mechas ma ngelekel el redil kiliei ra Kerdeu a ngklel el blai er Ngerieleb el chimora kekerei el rengedel Oreor.

Tial beluu a ngariou'beluu e kmeed era daob. Mete kiei rengii el terul lungalek e kmal mengebuul a delengcheklir elengdiak a mo mekerreu era delengcheklir. A beluu er Belau era irechar a kmal mle mekull el diak a redil el mesobil e mo dioll. Engdi kerrior a mlo choisii a chebulir ngikal ngelekel ngikal mechas a mlo dioll. Ma bochal dioll eng kmal meknkite rengul ngikal delal meng melekinga'ra ngelekel el kmo, "Rungalek, kau tial dillang e kid a kmal chebuul a delengchekled era chesel tial beluu mekekmal mounkil mengetmoki era kldiul er kau. Kemoungil lomekiiai aikel delsechel a kldiull ma cheroll meng diak bomsecher ekede chebuul el diak a mekeruid a bodesecher."

Ma ngelekel a kmal kongei aikal loleko'i a delal. Mengulemekiai aikal delsechel a kldiull meng dimlak bolsecher e mechell. Ma lemechellang eng melekinga rengii el kmo, "Rungalek, kau a kmal soam el menga keam, eaikal keam a diak lekelir a rumechell eleng ngomkuuk a diil mekou tekangel mesel mesisichang e kemengang kung."

A tara klebesei ea delal a mlora meselch el mo melai a kelir, engii el ngalek a choba ngelekel ngara blai e kmal sokol menga keam. Mengulemdasu el kmo ngdibus a delak mak bai kolii kung a chimora keam eng diak lesekak a delak. Meng monguu a chimora keam el mei meng metechii el mo cherbitang. E mocha nguu tial klou el bitang el mei meng mengard er ngii, engii a dumia delal.

Meng kora kilebetiekl e choitii a ngelekel e tuobed er rikl e merael. Ma delal a choleker rengii e ngii a dilmuk e merael. Meng mocha kiukuii a ngelekel e choltoir rengii el mo bedul a taoch. Engdi ngii era lorael mong engdi iliu el mo ridekekl era daob. Ma delal a longelang e chomekedong er ngii, engii a chokor edi melechelbaki el mo cheroid. Meng mocha ra tkul a cheldukl e melekinga rengii el kmo, "Rungalek, kau tial dikea morrenge a tekingek e merolang, a kemam a kmal chebuul." Ea lluu ngkal ngelekel el me duum er bab eng mla chobult el mo mesekiu, me ngikal delal a melekinga rengii el kmo, "Kau tial dikea morrenge a tekingek e merolang, meke dimo cheraol era kluk. Ea cheram a mo chorul a mo bechiil redil." Mengikal mesekiu el ngikel a lemad eng ngeiul cholecholl er ngii el mo klilt el locheraol era kluk el mo. kltir ar mechelech el ngalek erar meteet.

Ngikal mesekiu a lemekesokes era irechar ele nguu el mei longesechii era beluu e loleko'i a kodellel e ngelmangel mereberebet a iuchel a medal. Ma iuechel a medal a diak el kakerous ngii ma iuechel a medal a chad. Ma chomseuechel ngerel a bereked er ngii tial kekel el lulengar ngii e mo suchesokl era daob. Tiaikid a cheldechederal a Mesekiu el ngikel el mle chad emo Mesekiu.

